

續修文昌橋志畧附

樂輸

一收城內外糧食行貨捐捌千零捌拾叁千零伍拾貳文

一收城內外路穀行貨捐貳千壹百叁拾伍千陸百叁拾伍文

一收上頓渡糧食貨捐貳千叁百叁拾貳千壹百叁拾壹文

續修文昌橋志畧附

樂輸

一收李家渡糧食貨捐壹千伍百貳拾玖千零伍拾伍文

一收門家港糧食貨捐叁拾伍千貳百叁拾柒文

一收焦石糧食貨捐拾柒千叁百玖拾文

一收源泉息錢貳拾千零肆百文

一收景春息錢肆拾玖千文

一收賣各色雜料肆拾壹千肆百柒拾文

通計貨捐各項共收錢壹萬肆千貳百肆拾

叁千叁百柒拾文

公費

一麻石壹千壹百捌拾貳千柒百陸拾陸文

一杉木雜木楓板松板共壹千玖百肆拾伍千伍百

叁拾文

一各色鐵器壹百玖拾貳千肆百肆拾捌文

一礮石沙包共伍拾伍千叁百捌拾伍文

一山價玖拾千零陸百文

續修文昌橋志畧

附

公費

二

一黃土壹千叁百捌拾柒千伍百叁拾貳文

一木炭石炭共柒拾肆千捌百壹拾陸文

一石灰紙脚磚瓦共玖拾陸千壹百柒拾玖文

一水車叁拾伍千柒百肆拾陸文

一苧麻稻草繩索共壹百柒拾柒千壹百伍拾肆文

一船壹百零陸千壹百柒拾文

一篾折篾篾纜抬箕竹子共肆百捌拾玖千壹百

零柒文

一紙張簿本叁拾捌千玖百伍拾陸文

一石匠工貲叁千伍百壹拾貳千柒百貳拾伍文

一木匠工貲叁百陸拾叁千零叁拾肆文

一篋匠工貲拾玖千捌百捌拾文

一火夫長隨工貲共肆拾伍千壹百伍拾文

一船夫工食壹百壹拾陸千捌百玖拾壹文

一收各處貨損及守夜工食共肆百貳拾柒千伍百肆拾文

續修文昌橋志畧

附

公費

三

一總局器皿共拾千陸百壹拾肆文

一總局火食肆百伍拾壹千捌百壹拾貳文

一請各處管理貨捐行戶酒費共叁百捌拾捌千陸百肆拾玖文

一往頓市李渡盤費及犒賞各匠及李渡請酒用費雜費共貳百肆拾玖千陸百伍拾壹文

一刊刷告示及紙張共拾肆千肆百柒拾貳文

一還借項息錢肆拾玖千零柒拾玖文

一蓋打石圍料各廠及築圍墻共捌千陸百肆拾叁文

一蓋造西岸牙頭店房三間共柒拾壹千伍百零玖文

一修放生閣貳百肆拾壹千叁百貳拾肆文

一修擬峴臺下沿河大路壹百柒拾伍千零陸文

一付修石口廟拾千文

一修縣學東側大路拾叁千文

續修文昌橋志畧

附

公費

四

一墊修興魯書院壹千零肆拾叁千貳百陸拾玖文
外加用道光二十一二三三年橋店租錢柒百肆拾伍千捌百柒拾叁文實共用錢壹千柒百捌拾玖千壹百肆拾貳文

一墊修擬峴臺柒百陸拾捌千陸百柒拾叁文 外畧 臨川

縣正堂汪 捐錢肆百千文實共用錢 壹千壹百陸拾捌千陸百柒拾叁文

一付李家渡火食工貲壹百壹拾伍千貳百文

一付李渡河西義渡伍拾叁千貳百壹拾叁文

一付李渡修整大橋肆拾陸千貳百壹拾陸文

一付柴埠口義渡伍拾叁千貳百零玖文

一付修李渡萬壽宮壹百貳拾貳千壹百玖拾貳文

通計各項共用錢壹萬肆千貳百肆拾叁千

叁百柒拾文

續修文昌橋志畧

附

公費

五

續修文昌橋志畧附

文昌橋遷移木排紀畧

何元熙

吾郡文昌橋自宋嘉泰豨石爲梁閱今六百餘載乾隆五十五年七月大水上游木排衝突橋遂圯當時皆以橋歷年旣多未盡歸咎於排之爲害嘉慶八年郡人黃太史旭李明府傳杰洪明府星煥陳廣文楠李廣文昇蔡孝廉殿英會明經祐倡議六邑勸捐重修時先君子以貧諸生授徒鄉里諸君子顧不相棄

續修文昌橋志畧

附

紀畧

再三延與共事始終其間者十一年至嘉慶之十八年乃竣工費銀十七萬有奇於時大功告成安於磐石豈虞他變故橋成二十餘年上游之木日積日多識者或用爲隱憂斷不知其害之果烈也道光十年八月秋水大漲洶湧澎湃上游木排椿纜盡解竹木濇擁下橫塞甕門甕門不閉者二尺橋震撼欲危居民善泅者艤船數十捨身捨救鋸斷橫木推之下勢乃漸平然因此溺斃已二人矣橋亦冲損四墩於是

城內外商民衆口一詞咸欲重修橋墩遷木排於下
游固請先君子爲倡先君子以舊董事惟萬孝廉世
和饒孝廉緇鄧茂才映紅李上舍樹俊與已五八年
並六七十以上恐弗克舉顧責又無可貸十一年二
月乃要郡人湯中翰儲璠楊中翰慶敘陳助教金臺
常孝廉宗保祝孝廉修孝廉衡華孝廉波黎孝廉樹
培楊孝廉茂淳周孝廉楨與舊五人共十五人合詞
呈明前郡伯郭前邑侯巴請示限遷又一面勸捐修

續修文昌橋志畧

附

紀畧

二

理郡邑皆報可遷有日矣上游木牙以排下遷則已
不利與木商駱仍等丐先君子相關白求免遷先君
子曉以大義旣却之若輩又展轉相央規重利先君
子拒愈峻於是反羞爲怒內外搆煽控之官事閣不
得理者幾五年初縣中幕友吳柳門門丁孟二夙居
外探刺吏事往往以私意顛倒情實令未之覺也若
輩旣慙恨先君子乃倚邑之夙與相善者爲先容深
相結納使之日浸潤於令已又與商飾詞哀懇令素

仁柔加以慕丁盡感竟忘諸紳呈詞與已與郡伯前
飭遷之示改判排不必遷判語出閱者譁然時秋闈
近署郡伯何以監試晉會垣先君子與同人計盍再
請郡伯以伸前議遂襍被往郡人士正集聞先君子
至各來會并白於方伯方伯下之守守下之令令如
前此十一年八月事也方先君子上訴時令深悔其
失而未及改圖若輩恐令或中變乃竊傳孝廉嶠丁
文學湘等名代木商游說稱與陳金臺華波常宗保

續修文昌橋志畧

附

紀畧

三

等會議着令出貲修橋免排下徙令亦未敢遽信批
以木商修理橋墩事無不可惟查此稟並無原案一
人列名旣稱陳金臺華波常宗保均稱妥協仍着邀
仝原案紳士一體會議具覆若輩乘衆紳未覺復竊
名且覆詐言已經會議並無異說九月二十九日先
君子自省垣歸常君與祝君衡來會查知前批不勝
駭異往謁令并知後有具覆之詞遂致書詢問傅嶠
傅嶠回以不知又面問丁湘等答亦同而原案中十

五人各無知者於是指控竊名并粘傳君回書呈諸
令而孝廉章樹萱會錫華范佩蘭左簧左棟文學饒
友梅章志成鄧有恒吳思澄祝起莘鄒傳烈管熙謀
徐徇約黎鍾麒等二十餘人皆抱公憤與原呈紳士
先後疊呈切指該橋利害令遂復行飭遷無如內外
牽掣仍莫之行十二年四月郡伯張彙試六邑文章
各縣士紳咸集臨川李孝廉宗澳金谿車明府礪劉
進士光祖徐文學朝璽李明經元復羅明經嗣彥崇
續修文昌橋志畧

附

紀畧

四

仁曹明府封黃明經昌運李文學澣心宜黃黃封翁
錫禱鄧孝廉廷銓符明經兆綸許明經會榮符文學
昞洪文學泉會文學芸樂安元孝廉以鍾管明經韶
元贊府昌謨東鄉艾孝廉舟宋孝廉奎光王廣文曙
清計共百餘人於月之十六日會議於郡學之明倫
堂越日具衣冠走謁郡伯張邑侯巴瀝陳利弊而排
之不遷竟如故也是年九月秋榜放熙與符兆綸鄒
傳烈同獲雋十二月與祝衡黎樹培數人同上公車

明年四月全落第留京師夏課五六月連接先君子
手書謂木排之遷令雖屢飭而商牙隱若有恃頑抗
如故令又無如何外間商民洶洶恐滋變必得遷之
爲善於是熙與祝黎二君商諸郡中諸先達與孝廉
之在都者而京秩諸公與艾孝廉暢樂孝廉蘅張孝
廉宣李孝廉傳心黃明府爵綬咸以爲利害所關不
可終默遣急足取案并抱來都控於都察院於是冬
十二月奉院解抱歸至十四年十月乃會訊於南昌

續修文昌橋志畧

附

紀畧

五

府署故事大獄訟控司院未得理始行入都否則科
以罪自十一年訴方伯後撫使者署未及訴忽卷宗
及抱自都來上臺旣嫌於越控而商牙謠言頓起謂
先君子以索詐不遂假公洩忿淫詞表裏相攻欲藉
是相中傷承審諸曹不能無所惑勢瀕危而祝君衡
以樂平廣文與游廣文凌翰黃廣文麟應廣文奎俱
以送鄉試聚會垣張君宣黃君昌運管君韶十餘人
又同付質委曲陳說力白無他上臺乃釋然無忌十

月委員押遷斷令文昌橋上不惟不許纜繫一木
行亦概徙以杜後患十五年三月咨至都察院案乃
定於是遷木排於橋之下流河東灣一帶地方木牙
行亦徙因勒總憲以下各憲斷案豎碑橋上游清風
門牛車夾及橋之兩頭所以誌也而冲損橋墩仍籌
貲修復完固如初是役也始道光辛卯之二月終甲
午之十月合六邑士紳歷長官十餘其中變幻曲折
難更僕數而若輩所欲撼而去之者惟先君子幾於

續修文昌橋志畧

附

紀畧

六

殆數矣蓋謂撼一人而事可中止也不意諸君子一
志同心識堅力定持危扶顛務使公事得理告成功
焉夫此不過郡邑事耳商牙又其微者而利之所在
能使黑白混淆是非錯亂當事且幾莫適從吁可畏
哉今將以續修事宜附前志後因紀顛末以諗來者
非敢謂卒有功也利害所關後之人或得有所考鏡
云爾

續修文昌橋志畧附

江西巡撫咨都察院遷移木排文

護理江西巡撫部院桂 爲咨覆事據署布政使司

布政使署按察使司事鹽法道會詳據署南昌府督

同署新建縣詳稱道光十四年二月二十日奉

藩臬

憲札開道光十四年二月十四日奉

護撫部院桂 案驗道光十四年二月初十日據南

昌縣申請

續修文昌橋志畧

附

咨文

一

都察院咨據臨川縣貢生何彬等遣抱告程守中具
控該府城河東橋座屢被上游木排冲刷控經府縣
飭令遷移被王思賢等串捺控經 藩司批府飭縣
仍復抗延等情抄錄原呈同抱告一併咨送飭查訊
辦等因到本護院承准此查此案前准

都察院咨卽經行司提省審辦在案承准前因合就
轉行行司卽便查照前行會同臬司迅卽提齊卷宗
人証秉公研訊明確按律究擬詳辦一面將委審銜

名報查可也計抄發咨文連原呈一併並發甘結一紙抄粘一本查辦仍繳等因奉此查前奉行准

都察院咨當經轉行該府連飭南新一縣知照一俟前途遞到該抱告程守中卽行收管具報聽候核明抄咨案由再行提齊人卷委員審辦在案茲奉前因除飭委試用未入流陳時夏前往臨川縣提齊人証同府縣卷宗來省交給該府督同新建縣楊令卽用縣李烈文審辦外合就委審爲此札仰該府卽便遵

續修文昌橋志畧

附

咨文

二

照一俟該委員解到人卷卽便核明卷宗及抄咨原呈內指控情節秉公研訊明確按律究擬詳候核辦仍備造全案截冊二分隨詳呈送均毋違延切速切速計抄發咨文連原呈一件並發甘結一紙抄粘一本司卷一宗查辦仍繳查抄咨內開

都察院爲咨行事據江西撫州府貢生何彬舉人張宣艾舟職員元昌謨等遣抱告家人程守中以弊串抗公等詞赴院具控訊據該抱告供稱身年三十八

歲係江西臨川縣人何彬是身家主緣府城東關外有文昌橋一道長百餘丈跨臨河面乾隆年間被上游木排冲塌嘉慶八年合郡捐修往來利賴詎木牙王思賢木商駱仍等仍於上游堆貯木排道光十年八月木隨漲下衝動橋身居民搶護幸免傾圮身主聯名公稟府縣均經出示飭令將木排移置下游被王思賢等弊串捺攔身主赴藩司衙門公稟批府飭縣仍前抗玩本年七月間水漲木衝身主復赴縣催

續修文昌橋志畧

附

咨文

三

呈案捺如故身主爲保護合郡橋梁起見是以聯名遣身來京瀝訴等語餘與原呈畧同查該貢生等遣抱告所控該府城河橋座屢被上游木排冲刷控經府縣飭令遷移被王思賢等串捺嗣控藩司批府飭縣仍復抗玩等情是否木排遷置下游果無窒碍事關一郡通衢自應秉公勘斷以咨保衛而息訟端相應抄錄原呈同抱告一併咨送貴撫飭查訊辦結案後仍咨本院備查可也須至咨者計抄原呈一紙甘

結一紙抄粘一本抱告程守中一名又查抄呈內開
具呈江西撫州府貢生何彬職員元昌謨舉人張宣
艾舟等遣抱告程守中爲霸地害公舞弊擱案籲恩
究辦事緣撫州郡城外文昌橋長百餘丈自宋創建
爲官民往來通道乾隆年間被木排冲倒嘉慶八年
府縣稟明 撫兩憲倡六邑重建費金十七萬有奇
費工十二年之久近有地棍木牙王思賢木商駱仍
等霸橋上游公地堆積木排道光十年八月大水木

續修文昌橋志畧

附

卷文

四

隨漲下十二甕洞盡被壅塞冲破四墩溺斃多人貢
等公稟府縣請遷木排於下游公地沐示飭遷奈棍
等舞弊刁擱貢等復稟 藩憲蒙檄縣飭遷仍敢抗
蔽不遵今年七月十九日大水木又湧下橋復遭危
貢等催縣弊蔽如故切思橋爲官道修費鉅工關係
甚大棍等乃敢霸一郡公地害六邑公舉蔽三載公
案貢等爲合郡保橋起見控經府縣藩司延未究辦
情急遣抱來京粘呈原案切切上告外粘呈原案卷

宗一本被告地棍木牙王思賢伍輝南熊慶方鄒明
輝木商駱仍陳嶺黃彭煦馮儒等又於道光十四年
三月初七日奉 藩憲批新城縣監生駱仍生員馮
儒等具呈詞稱生等先以勢貢何彬藉漲架訛挾制
徇結激訴在案沐批仰府迅速遵照前批提案確訊
等諭仰見通商惠賈至意乃遵投府候諭不覆提則
彬之佈害已 深生之受害更毒牢不可破訟何底止
切該橋前兩 傾北苟非水冲稍因木壞何待今訟生

續修文昌橋志畧

附

咨文

五

賣木處苟非 府志載明迴水稍與橋碍何敢多訟下
游之地倘經 勘明實有可遷何必滋訟許灣流坊等
處木排俱橋 上游一同別遷何必抗訟惟因忤愆致
滋小題串黨 大做未經勘訊輒肆健訟冀圖拖累顯
露乖張大樹 爲差民兩便郡內豈可罷此買賣彬獨
倡害勾竊多 名爲禍實甚叨批府訊泣恩不訊何以
能明但明非 公不生公非勘不著偏勘有貳會勘無
私再叩大人 俯憐作主批委會勘就近剖白兩造人

衆豁免提省之苦實爲恩便上告等情奉批此案現
奉行准

都察院咨據何彬等遣抱赴京呈控業經飭提人卷
檄委南昌府審辦在案仰南昌府一俟提到人卷作
速秉公確審詳辦該生等卽赴委審衙門投到可也
各等因奉此並奉委員提到府縣各卷飭發到府隨
卷查此案先於道光十一年二月初十日據撫屬六
邑紳士內閣中書湯儲璠貢生何彬等稟稱撫郡東

續修文昌橋志畧

附

咨文

六

關外文昌橋肇自前宋修廢不常乾隆四十四年大
水上流木排斷纜冲拆一甕經府縣督率紳士捐貲
修復五十五年復漲大水全橋坍塌亦因木排斷纜
之故嘉慶八年又蒙府縣督率士民捐貲建造厯工
十餘年費銀十數萬兩木排仍在上游未遷以致道
光十年大水冲開木排橫塞橋甕冲壞橋墩橋身搖
動幾至傾圮居民搶救幸保無虞屢經邀木商駱仍
等勸令在於橋下設廠繫纜該木商等延不遷移等

情稟經該前臨川縣巴令勘訊斷令該木商將木排
遷移下游去後旋據木商新城縣生員馮儒監生駱
仍等具稟該處清風門外西岸歷係賣樹馬頭河墘
灣曲水勢迴緩所繫木排從無飄流斷纜之事懇免
遷移等情經巴令將勘訊斷遷緣由詳府查核未盡
允協簽飭覆勘確審另詳嗣據貢生何彬及監生駱
仍等各以前情控稟 藩司批府提訊因迭提人証
未到發回該縣復勘訊斷巴令卸事移交前臨川縣

續修文昌橋志畧

附

咨文

七

甯令傳齊人証於道光十三年十一月間前詣該處
勘得撫州府城東關外有文昌橋一座跨臨兩岸下
有大河一道上通建昌下達省垣橋之上游西岸係
屬清風門傍岸外有石硬一道土名鴻雁嘴下有沙
洲一片小港一條停泊木排如遇水漲漫過沙洲接
連河道岸上卽是新城木客駱仍等設廠賣樹之所
橋之上游東岸土名牛車夾瓦瑤街地方橋之下游
西岸係屬演武廳較塲直至黃巷口盡屬空野洲地

橋之下游東岸卽係河東灣街貼近河港皆屬居民
後樓駱仍等所設木廠及河邊所繫木排卽在文昌
橋上首相距不及半里每遇水漲建郡一帶溪河以
港滙流奔注水勢湍急設有斷纜走排直冲橋梁必
致碰撞橋身實與文昌橋大有干碍經該前臨川縣
甯令傳集人証訊明斷令駱仍將該處木排遷於文
昌橋下停放售賣取具限結詳經撫州府轉詳在案
詎貢生何彬等先已遣抱程守中控稟

續修文昌橋志畧

附

咨文

八

都察院咨解來江奉發卑府督同新建縣楊令卽用
知縣李烈文審辦楊令告病卸事李令奉委署理新
喻縣印務出省於道光十四年九月二十五日復奉
添委卑署新建縣顧麟趾隨同審辦經卑府催提人
証去後旋於十月初十日據原告貢生何彬副貢黃
昌運舉人張宣被告監生駱仍生員馮鼎木牙王恩
賢熊慶芳等先後具呈投到前來就卽提齊查訊據
貢生何彬供臨川縣人舉人張宣供宜黃縣人副貢

黃昌運供崇仁縣人又據同供撫郡東關外向有文
昌橋一座乾隆年間屢被木排斷纜沖擊以致全行
坍塌嘉慶八年蒙府縣率同六邑紳士勸捐建造至
十九年完工共用費銀壹十七萬有零道光十年河
水泛漲駱仍們的木排斷纜橫塞橋甕沖壞橋墩貢
生們勸令木客駱仍們把木排遷移橋下駱仍們藉
在橋上西首買有田屋不肯遷移貢生赴縣具控蒙
巴縣主斷遷駱仍們仍不遵依貢生們就控稟 藩

續修文昌橋志畧

附

咨文

九

府二憲批府提訊斷詳駱仍們又復匿不投審木牙
王思賢們又在東岸牛車夾地方繫有木排心疑王
思賢們串同抗蔽就於八月間遣抱進京上赴

都察院衙門具控復蒙甯縣主於十一月審結貢生
們先已赴京具呈今蒙訊明只求仍照原斷飭令駱
仍們把東西兩岸木排遷移橋下貢生們具結就是
據抱告程守中供貢生何彬是小的家主餘與何彬
等供同據監生駱仍生員馮鼎全供新城縣人向販

樹木紫排運到臨川縣城外文昌橋上首沿河停放
隨時售賣并各自買田地搭蓋木廠道光十年八月
間河水泛漲不知何處飄來樹木冲壞橋墩貢生何
彬們說是監生們木排斷纜要監生們把木排遷移
橋下監生們因停放木排地方水勢迴緩河邊置有
田屋不肯遷移貢生何彬邀同合郡紳士稟蒙巴縣
主勘訊斷遷監生們先會具呈乞恩免遷不准後因
橋下地基未經買成以至延未遷移何彬們具詞上

續修文昌橋志畧

附

咨文

十

控監生們也赴 藩府二憲衙門具稟的後蒙甯縣
主於上年十一月勘明審結監生們已具限結情愿
遷移不料何彬先已遣抱赴京具控今蒙訊明監生
們情愿具限把木排遷移橋下至河岸上所置房屋
本係新城合縣所造以後作為客寓不敢再開木廠
就是據木牙王思賢熊慶雲卽慶芳全供小的們充
當木牙經紀駱仍們木排向在撫州文昌橋上首繫
纜道光十年八月間河水泛漲被上游木排斷纜冲

壞橋墩合郡紳士不依要駱仍們把木排遷移橋下
駱仍們不肯合郡紳士又控蒙巴前縣王斷令遷移
駱仍們因橋下地基尚未買成延未遷去何彬們又
上赴藩府二憲衙門具控批府訊詳上年十一月
間蒙甯縣王勘明斷遷駱仍們已具有限結那知何
彬們先已遣抱進京具控今蒙訊斷小的們在於橋
上東岸牛車夾河邊也繫有小木排情愿隨同駱仍
們一併遷移橋下就是各等供據此並據各具甘結

續修文昌橋志畧

附

咨文

十一

當經卑府委員前往臨川縣會同該縣押令駱仍等
速將木排遷移橋下去後茲據臨川縣申覆該木商
駱仍等已將大小樹排一併遷移等情申覆前來該
署南昌府事九江府知府張寅督同新建縣知縣顧
麟趾審看得臨川縣貢生何彬等遣抱赴京呈控木
商駱仍等在於文昌橋上首停泊木排有碍橋梁抗
不遷移一案緣撫郡東門外向有文昌橋一座爲合
郡通衢利濟乾隆年間被水冲塌至嘉慶八年經該

府縣督率六縣士民捐貲修造歷工十有餘年費金
十餘萬兩始得竣事道光十年河水漲發上游木排
被水冲散斷纜而下壅塞橋甕冲壞橋墩橋身震動
幾至傾圮該橋上游兩岸有新城縣木客駱仍等販
賣木排沿河停泊經該郡紳士何彬等勸令駱仍等
將所繫之木排遷於橋之下游免再冲刷之患駱仍
等因在該處置有田屋開廠繫纜歷年已久並因河
邊水勢迴緩不允遷移經該紳士稟經前臨川縣巴

續修文昌橋志畧

附

咨文十一

令勘訊斷遷詳撫州府發飭覆勘確審嗣據貢生何
彬暨該木商駱仍等各以前情控奉 藩憲批府提
訊因迭提人証未到發回臨川縣覆勘訊斷該前臨
川縣巴令卸事移交甯令於上年十一月間親詣查
勘該處停放木排在於文昌橋西岸相距文昌橋不
及半里每遇水漲湍流甚急水勢既不迴緩排纜難
保不斷實與橋身大有妨碍傳齊人証訊明飭令木
客駱仍在於橋下相度形勢另行遷移不許仍在該

橋上首繫纜取具限結詳經撫州府轉詳在案該貢生何彬等先因駱仍等延未遷移并因木牙王思賢等在於橋上東岸亦繫小木排心疑王思賢串同抗蔽卽於八月內遣抱程守中赴京控奉

都察院咨解來江質訊奉委卑府督同新建縣楊令卽用知縣李烈文審辦並奉委員提到卷宗楊令告病知事李令奉委署理新喻縣印務出省復奉添委卑職麟趾隨同審辦旋據兩造人等自行投案前來

續修文昌橋志畧

附

咨文 十三

卑府督同提齊人証確加研訊得悉前情查該處文昌橋自嘉慶八年經該府縣督率士民捐貲建造歷工年久費用甚多橋上商賈輻輳行人絡繹不絕實爲通衢利濟有益於民不能不作思患預防之計該木客駱仍及木牙王思賢等在於橋之上游西岸停放木排距橋甚近每遇河水漲發下流激湍橋甕洩水不及已有傾圮之虞若上游木排一經斷纜人力不能搶救橋身必致震損該木客等縱能隨時照護

而木排斷纜事在一時設有他虞咎將誰歸且該木客等揭本謀利凡在隙地皆可開廠停泊豈能因其自便竟置十餘萬鉅工於不顧應請仍照該臨川縣原斷飭令駱仍王思賢等將東西兩岸木排遷至文昌橋下游處所相度地勢另設木廠停泊售賣其上遊一帶永不准開設木廠停擱木料既可以保橋梁亦可以杜後訟當卽委員前往臨川縣會同該縣押令該木客等將東西兩岸大小木排全行遷移橋下

續修文昌橋志畧

附

咨文

四

其橋上西岸所置田屋作爲新城客寓亦不得再開木廠取具各結在卷貢生何彬等不候縣斷輒行遣抱赴京越控本應照例問擬惟是合郡紳士聯名具稟事屬因公情尚可原應請從寬免議案已訊結未到人証邀免提質以省拖累是否允協合將訊斷緣由具文詳請核轉詳咨等因到司據此該署布政使司布政使怡署按察使事鹽法道余會核看得臨川縣貢生何彬遣抱赴京呈控木客駱仍等在於文昌

橋上首停泊木排有碍橋梁抗不遷移一案緣撫郡東關外向有文昌橋一座爲合郡通衢利濟乾隆年間被水冲塌嘉慶八年經該府縣督率六邑士民捐貲修造歷工十有餘年費銀十數萬兩始得竣事道光十年河水漲發上游木排被水冲散斷纜而下壅塞橋甕冲壞橋墩橋身震動幾至傾圮該橋上游兩岸有新城縣木商駱仍等販賣木排沿河停泊經該合郡紳士何彬等勸合駱仍等將所繫木排遷移橋續修文昌橋志畧

附

浴文

十五

之下游免再冲刷之患駱仍等因在該處置有田屋開廠繫纜歷年已久並因河邊水勢迴緩不允遷移經該紳士稟經前臨川縣巴彥布勘訊斷遷詳經撫州府查核未盡允協簽飭覆勘確審嗣據貢生何彬暨該木商駱仍等各以前情赴司具控經前藩司批府提訊因迭提人証未到發回臨川縣覆勘訊斷該前臨川縣巴令卸事移交甯雲程於上年十一月間親詣查勘該處停放木排在於文昌橋上游西岸

相距文昌橋不及半里每遇水漲湍流甚急
不能迴緩排纜難保不斷實與橋身大有妨碍傳
人証訊明飭令木客駱仍等在於文昌橋下相度形
勢另行遷移不許仍在該橋上首繫纜取具限結詳
經撫州府轉詳到司正在核飭遵照間該貢生何彬
等先因駱仍等延未遷移并因木牙王思賢等在於
橋上東岸亦繫有小木排心疑王思賢等串同抗蔽
卽於入月內遣抱程守中赴京控奉

續修文昌橋志畧

附

咨文

十六

都察院咨解來江質訊行司飭委南昌府督同新建
縣楊令卽用知縣李烈文審辦並委員提到卷宗楊
令告病卸事李令奉委署理新喻縣印務出省復添
委新建縣顧麟趾隨同審辦旋據兩造人等自行投
到該府等提齊人証確加研訊得悉前情並據各具
甘結經該府委員前往會同臨川縣押令該木商駱
仍等已將大小木排一併遷移橋下核議具詳前來
本署司等覆查該處文昌橋自嘉慶八年經該府縣

督率士民捐貲建造歷工年久費用甚多橋上商賈輻輳行人結繹不絕實爲通衢利濟有益於民不能不作思患預防之計該木商駱仍及木牙王思賢等在於橋之上游兩岸停泊木排距橋甚近每遇河水漲發下流激湍橋礙洩水不及已有傾圮之虞若上游木排斷纜人力不能搶救橋身必致震損該木客等縱能隨時照護而木排斷纜事在一時設有他虞咎將誰歸且該木客等揭本謀利凡有隙地皆可開

續修文昌橋志畧

附

咨文 十七

廠停泊豈能因其自便竟置十餘萬鉅工於不顧應請俯如該府等所請仍照該臨川縣原斷飭令駱仍王思賢等將東西兩岸木排遷至文昌橋下游處所相度地勢另設木廠停泊售賣其上游一帶永不准開設木廠停擱木料旣可以保橋梁亦可以杜後訟已據委員前往臨川縣會同該縣押令各木客等將東西兩岸大小木排全行遷移橋下其橋上西岸所置田屋查係新城合縣所置公產已據駱仍等具結

以後房屋作爲新城縣客寓亦不得再開木廠取具各結在卷貢生何彬等不候縣斷輒行遣抱赴京越控本應照例問擬惟係合郡紳士聯名具稟事屬因公情尚可原並應俯如所請從寬免議案已訊結未到人証邀免提質以省拖累是否允協合將飭委訊斷緣由會文詳請俯賜咨覆等因到院據此查此案臨川縣貢生何彬遣抱赴京呈控木客駱仍等在於文昌橋上首停泊木排有碍橋梁抗不遷移一案緣

續修文昌橋志畧

附

咨文

十八

撫郡東關外向有文昌橋一座爲合郡通衢利濟乾隆年間被水冲塌嘉慶八年經該府縣督率六邑士民捐貲修造歷工十有餘年費銀十數萬兩始得竣事道光十年河水漲發上游木排被水冲散斷纜而下壅塞橋甕冲壞橋墩橋身震動幾至傾圮該橋上游兩岸有新城縣木商駱仍等販賣木排沿河停泊經該合郡紳士何彬等勸令駱仍等將所繫木排遷移橋之下游免再冲刷之患駱仍等因在該處置有

田屋開廠繫纜歷年已久並因河邊水勢迴緩不允
遷移經該紳士稟經前臨川縣巴彥布勘訊斷遷詳
經撫州府查核未盡允協簽飭覆勘確審嗣據貢生
何彬暨該木商駱仍等各以前情赴司具控經前藩
司批府提訊因迭提人証未到發回臨川縣覆勘訊
斷該前臨川縣巴令卸事移交甯雲程於上年十一
月間親詣查勘該處停放木排在於文昌上游西岸
相距文昌橋不及半里每遇水漲湍流甚急水勢既

續修文昌橋志畧

附

咨文

十九

不能迴緩排纜難保不斷實與橋身大有妨碍傳齊
人証訊明飭令木客駱仍等在於文昌橋下相度形
勢另行遷移不許仍在該橋上首繫纜取具限結詳
經撫州府轉詳到司正在核飭遵照間該貢生何彬
等先因駱仍等延未遷移并因木牙王思賢等在於
橋上東岸亦繫有小木排心疑王思賢等串同抗蔽
卽於八月內遣抱程守中赴京控准

貴院咨解來江質訊當卽行司飭委南昌府督同新

建縣提齊人証確加研訊得悉前情並據各具甘結
經該府委員前往會同臨川縣押令該木商駱仍等
已將大小木排一併遷移橋下核議具詳并據該署
司等會核具詳前來查該處文昌橋自嘉慶八年經
該府縣督率士民捐貲建造厯工年久費用甚多橋
上商賈輻輳行人絡繹不絕實爲通衢利濟有益於
民不能不作思患預防之計該木商駱仍及木牙王
思賢等在於橋之上游兩岸停泊木排距橋甚近每
續修文昌橋志畧

附

咨文 二十

遇河水漲發下流激湍橋甕洩水不及已有傾圮之
虞若上游木排斷纜人力不能搶救橋身必致震損
該木客縱能隨時照護而未排斷纜事在一時設有
他虞咎將誰歸且該木客等揭本謀利凡有隙地皆
可開廠停泊豈能因其自便竟置十餘萬鉅工於不
顧應如該署司詳據該府等所請照該臨川縣原斷
飭令駱仍王思賢等將東西兩岸木排遷至文昌橋
下游處所相度地勢另設木廠停泊售賣其上游一

帶不准開設木廠停攔木料既可以保橋梁亦可以
杜後訟已據委員前往臨川縣會同該縣押令各木
客等將東西兩岸大小木排食行遷移橋下其橋上
西岸所置田屋查係新城合縣所置公產已據駱仍
等具結以後房屋作爲新城縣客寓亦不得再開木
廠取具各結在卷貢生何彬等不候縣斷輒行遣抱
赴京越控本應照例問擬惟係合郡紳士聯名具稟
事屬因公情尚可原並應從寬免議案已訊結未到
續修文昌橋志畧

附

咨文

二

人証概免提質以省拖累合將飭委訊斷緣由咨覆
貴院請煩查照可也須至咨者

